



## KENYATAAN MEDIA

### PEMAKLUMAN PENYEBARAN VIDEO PALSU 'HANTU POCONG' DI POLITEKNIK KUCHING SARAWAK

Politeknik Kuching Sarawak (PKS) telah menerima banyak panggilan telefon dan WhatsApp berkaitan dengan video penampakan 'hantu pocong' yang kononnya telah dirakam di kawasan sekitar kampus PKS.

Video yang berdurasi lebih kurang 10 saat itu telah tersebar di beberapa platform media sosial di Facebook dan Tik Tok pada 8 November 2022 (Selasa) dan telah menimbulkan kegelisahan, kegusaran dan kerisauan bukan sahaja di kalangan para ibu bapa atau penjaga malah di kalangan para pelajar PKS sendiri. Sehubungan itu, adalah dimaklumkan bahawa PKS ingin menegaskan video tersebut adalah **PALSU** dan tidak benar sama sekali.

Ingin ditekankan bahawa PKS akan mengambil tindakan setegas-tegasnya terhadap mana-mana individu atau kumpulan yang sengaja menyebarkan apa-apa penerbitan, kenyataan atau bahan multimedia palsu dengan niat jahat yang boleh merosakkan atau mencemar imej atau reputasi PKS di kalangan masyarakat awam pada masa akan datang.

Pengarah  
Politeknik Kuching Sarawak  
9 November 2022